


仁懷縣圖





仁懷縣草志目錄

沿革

疆域

形勝

山川

城池

場市

公署

壇廟

寺觀

學校

書院

義學

關隘

津梁

丘墓

物產

仁懷縣草志

目錄

一

戶口

賦稅

廉俸

風俗

苗夷

祥異

職官

宦蹟

選舉

藝文

仁懷縣草志

蜀坡纂輯

沿革

仁懷縣漢時為符縣地唐時兼有漆珍播渝南州地
宋為滋州仁懷縣地明屬播州長官司縣乃平播後
所置轄於遵義府雍正五年由四川改屬貴州布政
司原編里十乾隆四十一年分縣三里仁懷河西土
城地置仁懷直隸廳今里凡七東曰吼灘南曰小溪
西曰李博曰安樂北曰二郎曰赤水曰丁山

仁懷縣草志

沿革

二

疆域

治在府西北一百八十里

東至小溪里交桐梓縣界一百里

西至三合樹塘老虎岔塘交四川敘永廳界三百二十里

南至李博里交遵義縣并大定府黔西州界一百四十里

北至二郎里赤水里交仁懷廳界三百八十里

東南至井坎塘交遵義縣界一百四十里

仁懷縣志

疆域

三

西南至蔡明隘塘交大定府黔西州界一百三十里

東北至赤水里丁山呈溫水北交四川綦江縣界四

百四十里又交四川江津合江兩縣界五百里

西北至甕坪塘大灣塘交仁懷廳界三百八十一

廣四百二十里袤五百二十里

形勝

懸岩四塞長江天塹萬里菁寧旋羊上園屏播郡北
獨當一面夙稱天險路通一線危溪斷澗風愁兩國
鑽嵌嶮巖要害之咽喉志

雲轉山雄赤川水曲處郡城西北之隅為蜀境錯接
之壤志通

仁懷縣草志

形勝

四

山川

翠幃山

當夫惠風初岩英雲小點嵐光翠影日披拂於几席之間又名雲幃山

端山

在城北半里為縣治來龍學貴端嚴故名

關門壘

仁邑要地與桐梓婁山關綏陽桑木關正安龍洞關皆高出雲表一夫守之千人望

廢者

夜郎山

距城數十里

亭子石

在城北三里亭亭然亭子坎之名以此曹

仁懷縣草志

山川

五

達有遊記

懷陽洞

在城南二十里高六七丈深廣如之多舊刻仁懷第一勝處也

溫泉

在城西十六里山谷窈窕可憇可浴佳境也

長沙嘴

在縣治極北長二里許可以馳騁左右產良馬

赤水

由黔西州平定里入縣之九倉橋渡五十里又東至鄢家渡入縣界縣明道北有沙

填河南合三水北流東澗又東北至新澗
有澧水來注

澧水

又名鹽井河出縣西十里楠木嶺

金溪河

出縣西磨塘龍井至二合樹入赤水

五岔河

出縣西小浸溝龍井至潭村入赤水

沙壩河

出縣西北風崖龍井伏流二處注于赤水

仁懷縣志

山川

六

城池

明萬曆庚子設縣後所建即今所得舊城在仁懷廳南三十里後移建留元壩即今廳治入國朝歷順治康熙縣皆治此所謂舊縣也雍正九年始題請移縣治於生界之亭子壩十一年知縣杜詮領帑項一萬五千零八十兩修建至十三年新城成周四百六十三丈計二里三分高一丈厚五尺鎗眼九百零將台一設四門東曰朝陽西曰豐樂南曰文明北曰永安各建樓於上

仁懷縣草志

城池

七

場市

縣境場市凡十七

石堡寺場 屬赤水里距城三百六十里

官渡塘場 屬赤水里距城三百一十里

石笋場 屬赤水里距城四百里

拳溪場 屬赤水里距城四百二十里

長沙嘴場 屬赤水里距城四百四十里

高碛場 屬赤水里監船至此起碇距城四百三

十五里

仁懷縣草志

場市

八

温水場 屬二郎里距城三百一十里

桑木了場 屬二郎里距城一百九十里

土豪壩場 屬二郎里距城二百一十里

羊壩場 屬安樂里距城三十里

三合樹場 屬安樂里距城九十里

茅台村 屬安樂里距城三十里乾隆十年張廣

泗開河道始通舟楫山川鹽自此起發

曇廠場 在李博里距城二十里

觀音場 在李博里距城三十里

魯班場 在李博里距城四十五里

毛壩場 在李博里距城九十五里

梁村場 在吼灘里距城三百里

青龍灘 距城六十里

二郎灘 距城九十里

二里場

悶頭台 距城六十里

元門觀 城北

密壩城 距城三十里

仁懷縣草志

場市

九

涼村 在城西北二百里

岩門 城西北

東皇殿 城西北

三木了 城西

迴龍寺 城西

走馬壩 城西南

土城 城北

大村場 城南

椒園 城南

了杖場 城南

卡溪場 城南

吳馬口 城西南

烏龜石 城西南

堰 塘

大茅坡

仁懷縣草志

湯市

十

公署

縣署

雍正九年題准移縣治亭子壩知縣杜詮始建正堂居中榜曰新德堂前露台前甬道左右六房承發等科前儀門外右監獄前頭門正堂後為川堂前兩柏樹亭亭古秀因榜堂曰雙柏又後為太初堂署左為縣倉倉側為箭圃署內有金星祠乾隆二十三年重修

典史署

在縣城內

仁懷縣草志

公署

十一

守營署

在城內

溫水汛駐防署

道光十八年平溫水逆匪題改遷

壇廟

社稷壇 在治南門外

神祇壇 在城外

先農壇 在城外東北藉田每歲收穀三石八斗不

數銀三兩二錢三分三厘赴司領

厲壇 在治北門外

關帝廟 在城內

文昌廟 在城內文廟左

城隍廟

仁懷縣草志

壇廟

一三

江神廟

禹王廟 在城內

萬壽宮 在城內

三聖宮 在城西三十里茅六村

忠勇祠 在城北三百里竹瓦寨威遠衛指揮僉事

袁鑿陣亡於此因建祠祀之

寺觀

寶峯寺

在生界向為縣行署

白馬寺

在生界距城二十里

營盤寺

距城三十里舊在鹿鳴山僧雲白住持其

中雲白死遂遭火其神像忽飛出因於其

地建寺

明光寺

在李博里距城三十里初名明廣知府趙

遵律更

顯化寺

在赤四甲

仁懷縣草志

寺觀

十一

正覺寺

花果寺

混元寺

月望山寺

以上均在赤四甲月望寺之雄富為仁

懷諸山冠

太平寺

在赤九甲

寶歡寺

在赤七甲

羅漢寺

在赤十甲

寶蓋寺

在吼灘里

永興寺 在風溪里

來鳳寺 在安樂里

永安寺 在安樂里

玉屏寺 在安樂里

崇因寺 在二郎里

迴龍寺 在二郎里

三會寺 在二郎里

飛龍寺 在丁山里

仙洞寺 在丁山里

仁懷縣草志

寺觀

團山寺 在丁山里

五龍寺 在小溪里

長岡寺 在李博里

爛泥寺 在李博里

普照寺 在李博里

萬福寺 在李博里

學校

文廟 雍正十年移縣後知縣杜詮始建乾隆四

十五年知縣程正坤補修四十九年正坤

復捐重修至五十三年畢功有記見藝文

崇聖祠 在大成殿

名宦祠 在大成門左

鄉賢祠 在大成殿右

明倫堂 在文廟乾隆十三年知縣盧文起教諭費

大有典史陳麟同建

仁懷縣草志

學校

十五

教諭署 在文廟

訓導署 在文廟

書院

懷陽書院

乾隆二十四年建

培基書院

嘉慶八年知縣陳熙遠

仁懷縣志

書院

六

義學

在學署側舊為訓導署後移訓導駐德城以署為義學

仁懷
草志

仁懷縣草志

義學

十七

關隘

關門臺

在城南二十里嵯嶢聳翠平列一十七峯皆高出雲表一夫守之千人望廢為入郡

第一險隘

蛇皮菁

前明川兵入播經此路僅容一人行縣廳交界最險處也

紅園子

在赤水里與合江大槽支交界山梁長里許懸崖數十丈中植石筍一高二三十丈

往合江隘徑也

關隘

仁懷縣草志

六

長灘隘

在赤水岸上路經半崖入合江極險處

津梁

米糧渡

在城西二百餘里通四川永寧當水落可
褰裳而濟及水斗至倏高百尺特時溺人

知事盧文起始置渡代涉

二郎渡

在城西北百八十里又名早谷灘渡

五老灘

在城西北二百里

大魚塘渡

在二郎里三渡皆在漆溪路通土城

大灘渡

在赤水里距城四百二十里二渡通合江

浴泉橋

即鹽津橋在城南十五里兩山夾之泉聲

仁懷縣草志

津梁

十九

瀘瀘流八赤水野花雜樹交映其間一勝

境也

五老橋

在城東北三百里五老河通桐梓

永濟橋

在媽蟻山距城十五里

萬壽橋

在吳馬山距城七十里

萬腔橋

在長沙山距城五百里當縉水合赤水處

百歲橋

在罐子安樂里民婦趙羅氏百歲時捐

建故名百壽百有五歲

丘墓

袁 壘墓 在赤水王之龍塘

仁懷縣志

丘墓

三

物產

果類

蜜羅柚 三歲一熟芳馨可逞

荔枝 相傳茲土有荔枝惟舊縣有二株挺生味
酢非其實也

貨

丹砂 采砂甚難田雯曰追一線之蚓蛇探重淵
之幽閤瑩之高支以造天脂親齎以覓地
悵曉夕之英知置死生於非意

仁懷縣草志

物產

三

漆 縣有漆園費廣文大有自費州移此

茶 小溪二郎土城吼灘赤水產茶樹高數尋
額徵課稅

桃 笙 蓋椶篲也

草類

燈心草 無節可編

花類

蘆 山谷中所在皆是

菊 岩厂間皆菊可駐顏茲地人不識采深為

可惜

西府海棠

西府蜀府也云分自蜀王府中又有鐵幹海棠

陽雀花

杜鵑鳴時即開如萱花味甘美可食

藥類

黃連

根即生葉長三四寸以根為幹葉數瓣深碧色茲土所產頗佳

羽類

錦鷄

錦鷄項一圈五色相雜尾如孔雀爛朗景

仁懷縣草志

物產

三

彭

鐵稜甲

身小如鷹力能捕鷄

毛類

虎

縣有虎匠邑令與之卷令尋虎以白竹弩濡以藥射殺之

松花豹

友人劉君得一皮其章如鼠而狀似豹差小名曰松花豹蓋爾雅豹鼠也

仁懷豹
虎記

熊

熊於山中必有停處謂之熊館

麋

如鹿而小足亦不同

狐 有九節狐其尾有節腎即麝也

獾 狀如犬皮可寢處

萬 童子告余茲地有野人至人家輒蹲鷄埒

上暮與人宿嗜食人指蓋萬萬也

物產記

貉 與人指而告余曰茲嘗出獸黑章白臆能

食鐵非即山海之貉乎

竹 鬮 其皮如貂

飲食類

茅台酒 城西茅台村製酒為全黔第一

仁懷縣草志

物產

三三

戶口

乾隆二十三年戶一萬二千九百二十七男女大小
口六萬七千六百二十六

乾隆四十年戶口人丁一萬三千一百一十六戶
乾隆四十九年新增三千三百四十二戶共一萬六
千四百五十八戶

仁懷縣草志

戶口

三四

賦稅

實在田六百一十六頃九十一畝八分地五百九十
三頃四十三畝五分

稅糧一千八百二十五石五斗二升二合歲徵糧差
銀二千五百三十九兩五分三厘丁差銀六百
十一兩一錢二分共三千一百六十兩一錢
七分三厘

歲解課額七百四十二兩三錢七分八厘

廉俸

知縣歲本折米九十石共銀二十二兩六錢八分
典史歲本折米三十六石共銀一十七兩五錢二分
六房舖長司吏共三名歲共本折米三十六石共銀
九兩零七分二厘

養濟孤老十名歲各米三石六斗共銀二十五兩二
錢

風俗

凡人有疾病多不信醫藥屬巫詛焉謂之跳端公
蜀都賦都人士安袷服靚妝茲處蜀之最南去卓希
之風甚遠士夫家間或藻飾其餘白布裹頭不
以為諱也

俗用祝由科古法也吳人葉天士云園古方選口用
此惟黔楚祝由科更效凡金石湯火手足傷至
流血者用焉愈矣謂之吸水

喜佩刀劍斯固剛勁之風也至安揚雄據愈益尚武

仁懷縣草志

風俗

三七

以十里之地為兵者三萬人雖牛犢乎刀劍之
矣近約文教此風已戢然尚有以竹弩守門以
奮刀自衛者

苗夷

狝家

不與諸苗齒自矜曰我狝家也人謂之苗
輒啼之噫唯之與阿相去幾何耶狝家婦
女好裝飾以硃錦為裳而短省志謂其長
裙或別有所見服上加一兜青布為之著
草履簪花為冶容自趨於市貴陽甚多仁
懷間有之

紅苗

衣服悉用斑絲女紅以此為務雍正間紅
苗首禍剿滅幾絕今仁懷多紅苗

仁懷縣草志

苗夷

三

六額子

在大定與仁懷毗連者或特有往來

土人

在大定者曰獮獮曰盧鹿深目長身白
齒鈎鼻或曰即羅仁懷有之

馬鞮苗

以布纏腹如馬鞮水里有之

祥異

明

嘉靖七年八月隕霜殺稼

三十九年十月大霜凝結如花草

四十年旱三月不雨

萬曆三十三年大有年

天啟十三年旱

清

康熙元年大有年

仁懷縣草志

祥異

五

雍正七年慶雲現嘉禾生一莖兩穗至有十五六穗

者穗四百粒至七百粒穗長尺有奇大有年

十年大有年

十二年大有年

乾隆三十七年大有年

嘉慶元年旱

職官

知縣

明 始設知縣

曹一科 湖廣選貢

陳王道 湖廣舉人

王所用 山西選貢

吳繼堯 湖廣選貢

王成巳 陝西選貢

門思實 直隸選貢

仁懷縣草志

職官

子

閻於萌

薛廷芝 陝西選貢

郭維鸞 福建舉人

羅 締 陝西寧夏選貢

清

順治

史 鼎 江南溧陽舉人

康熙

張興越 浙江金華貢生

王炳 山西榮縣進士

徐尚達 湖廣江夏舉人

戴芳 江南桐城舉人按勞通志作秀

趙洪基

陳于達 湖廣黃陂歲貢二十九年任

朱錫覺 江西進士

胡書恩 湖廣舉人

何雨 江南丹徒監生

王作礪 山東曹縣進士六十年任

仁懷縣草志

職官

三

雍正

黃燾世 山東鄒臺進士

查殿元 江南上元舉人六年任

陳齊襄 廣西平樂優貢九年署

林詮 雲南馬龍州舉人十一年署

乾隆

向廷鑑 四川成都舉人元年署

程邦定 安徽懷寧舉人四年任

劉獻

胡彥輔 浙江德清舉人六年任

陳光政 廣西全州舉人九年任

兆傑 滿洲正藍旗人筆帖式十四年署

楊儼 山東舉人

程欽 湖廣舉人

李廷 四川舉人十八年任

王偉任 四川進士

盧文起 廣東香山進士二十三年任

蒙陵 關西人

仁懷縣草志

職官

三

董醇 江西貴縣進士二十九年任

陶情 江蘇陽湖人三十年署

李大鏡 湖南澧州人三十三年任

李振文 山西榆次進士三十六年任

汪鼎一 順天大興人三十八年任

馬為棟 甘肅寧夏監生四十三年署

李鏡 廣東東莞進士四十三年署

程正坤 四川墊江舉人四十四年任

謝際泰 福建閩縣舉人四十六年署

熊德芝 四川筠州進士五十二年著

金科豫 滿洲正黃旗人五十四年任

朱毓炯 廣西象州舉人五十五年著

顧廷瑜 浙江上虞舉人五十七年任

嘉慶

孫世奎 河南許州舉人元年署

張世昌 直隸樂城舉人二年著

崔本 江西南城進士十年署

王志敬 奉天寧遠舉人十二年任

仁懷縣草志

職官

卷三

鄭寶璠 順天大興監生十三年著

馮源 廣東新興監生十四年著

慶祥 滿洲正黃旗人十八年任

黃安薦 山東人二十一年任

陳熙

道光

顏鳳儀 廣東新興拔貢三年任

蘇文記 福建龍巖州舉人

劉國英 安徽人二十六年任

李秀發 湖北雲夢進士八年任

黃士騏 四川大竹人九年署

覺羅崇興 滿洲鎮蓋旗人九年補

柏中澍 湖北黃陂舉人十二年署

德 滿洲總管旗人十四年任十七年復任

王鼎彝 山西介休進士十八年署

鄧汝霖 陝西人十九年署

曾鴻蕭 江西清江舉人二十年任

張承霖 山西夏縣人二十一年任

仁懷縣草志

職官

考

教諭 明 承 履 三

明

金甌卜 綏陽縣舉人

清

康熙

陳能智 四川茶陵人五十四年任

雍正

秦有容 四川漢山舉人五十年任

劉家謀 麗安慶會之舉任

梁大川 貴筑縣舉人十三年任

乾隆

董天懿 平越府舉人九年任

費大有 思南府舉人十四年任

陳名 石阡府龍象縣舉人三十五年任

倪本秀 開泰縣舉人四十八年

劉仕修 貴陽府舉人五十五年任

嘉慶

田世昌 思州府舉人七年任

仁懷縣草志

職官

卷五

朱士榮 貴定舉人八年任

周之楨 仁懷直隸縣舉人二十年任

丁建忠 大定府平越縣舉人二十一年任

道光

馮懋修 貴筑縣舉人十二年任十九年復任

楊選銓 平越州舉人十四年任

夏潮 安順府舉人十四年任

胡秀傑 平越州舉人十九年任

訓導

清

順治

令狐應徽 桐梓貢生

康熙

楊鴻鳴 四川茂州貢生

陶淑李 四川蒼溪中子貢生

倪泰 四川名山貢生三十四年任

雍正

凌幹 四川重慶人

仁懷縣草志

職官

三

梅登第 貴筑歲貢七年任

李紹祖 修文歲貢

乾隆

郭中珮 安順府舉人二十五年任

張芳載 安順府舉人三十一年任

李如皋 施秉縣舉人五十一年任

其史

明

李愛宗 江南人

徐懋功 山東人

詹冕 湖廣人

楊時泰 湖廣人

陳本良 浙江人

王入 湖廣人

陳志尹

清

順治

蘇肇眉 江南人

仁懷縣草志

職官

二十七

康熙

張良修 陝西人

孫洪範 陝西人

包啟化 直隸通州人

傅學翰 順天人 吏員三十五年任

楊承燔 順天大興吏員六十年任

雍正

秦仁榮 順天大興吏員九年任

乾隆

陳麒 順天大興吏員六年任

王雲嘉 浙江慈溪人十四年署

張履謙 山西汾陽人三十一年任

蔡達徐 廣東長樂人三十二年任

陳錦標 浙江德清監生三十三年署

孟產 浙江會稽監生三十六年任

吳廷杰 順天宛平監生三十九年任

鈕世綱 順天大興監生四十一年任

李廷贊 浙江山陰監生四十三年任

仁懷縣草志

職官

六

黃希源 江西上猶人四十六年署

范士樾 山東唐城監生四十九年任

嘉慶

王瑋 浙江錢塘人二年任

吳貽質 安徽桐城人四年任

陳其世 四川綿州人十三年任

宦蹟

杜 詮

雲南馬龍州舉人雍正十一年蒞仁懷任
縣城故在赤水北不可控制詮相陰陽觀
流泉謂遺是莫如亭子燭喜詳詩改建新
城工未竣會被劫燬如也居太初堂華其
事其言曰城初也堂亦初也故名曰太初
詮在生界行署三年以儒雅譯吏治民愛
戴之及劾去時總督張廣泗大功新集修
貴州通志以詮名宿徵與靖道謨總其事

仁懷縣草志

宦蹟

三九

援引博考古家資之

選舉

進士

康熙五十一年壬辰王世琛榜

鄭之倚

乾隆五十五年庚戌恩科石韞玉榜

卞雲

舉人

康熙三十八年己卯科

卞真

仁懷縣草志

選舉

甲

康熙五十年辛卯科

王屏

鄭之倚見進士

康熙五十六年丁酉科

楊廷瑨

雍正四年丙午科

張衡

雍正十年壬子科

卞慶藻

乾隆元年丙辰恩科

王德洵

乾隆二十一年丙子科

蔡永寬

乾隆二十四年己卯科

任思正

乾隆二十五年庚辰恩科

汪謚

官教諭

乾隆三十年乙酉科

鄧國學

官知縣

仁懷縣草志

選舉

四一

乾隆三十五年庚寅恩科

陳國柱

官廣東封川知縣

乾隆四十二年丁酉科

任銘猷

乾隆四十四年己亥科

胡沈

乾隆四十五年庚子科

傅師翬

乾隆四十八年癸卯科

雷奮遠

元解

乾隆五十四年己酉恩科

何國型

乾隆五十七年壬子科

李登憲

官舉節教
諭取知縣

乾隆五十九年甲寅恩科

任銘申

官福建光
知縣

嘉慶三年戊午科

劉建勳

官苑階官湖
北天州知縣

仁懷縣草志

選舉

四十一

嘉慶五年庚申恩科

陳鴻

嘉慶六年辛酉科

任之楷

官江西永
興知縣

嘉慶二十三年戊寅恩科

熊秉金

道光元年辛巳恩科

任清臣

道光二年壬午科

任之槩

恩貢

乾隆

陳 忭年

李時和年十六

曹體異六年

任明綸五年

嘉慶

陳思睿年

任國鈞年

拔貢

明

仁懷縣草志

選舉

三

王志賢

吳世奇字雲南
知縣

清

康熙二十五年

陳我望
官度者

雍正元年

余 璿
通志余

雍正六年

明智

乾隆四十二年

劉文輔

乾隆五十四年

陳芳

副貢

雍正

度正國

周世德

乾隆

傅凱

王繁昌

子

歲貢

仁懷縣草志

選舉

四

明

王命賢

洪

綱官四川

吳振舉

清

楊

洪熙四

李之觀

楊沛

陶萬里

吳如梓

李昌楨

王

崔維和

王俊

熊佐

田永春

張聖言

乾隆元

袁治堯

年三

三建韋

年五

劉介

年

袁良晉

年九

三德潤

年十一

鄧之輝

年十三

張聖文

年十五

張

瓚

年七

張成英

年九

王 錄

年二十

陳

聯

年三十

劉 昊

年二十

胡思明

年二十

程可級

年九

劉迺昌

年三十

許爾熾

年三十

任銘禮

年三十

陸星照

年三十

羅仕登

年四十

莊思敬

年五十

袁道曉

年四十

陳則九

年一

任清鉞

年五十

何以津

年五十

劉建中

年五十

熊作都

年九

陳思睿

嘉慶元年

龔廷選

年三十

任 淳

年三十

陳 允

嘉慶元年

陳 煦

年一

任銘毅

年三十

仁懷縣草志

選舉

四十五

武舉人

康熙己酉科

王維藩

乙酉科

張 祚

辛卯科

張聖彥

癸巳科

李斯達

甲午科

楊天運

丁酉科

王世勳

嘉慶丁卯科

袁大坤

庚午科

穆雲魁

丙子科

仁懷縣草志

熊化龍

選舉

四

藝文

設仁懷廳事宜詳

知府 于芳柱

查所屬之仁懷通判遠駐極邊之赤水河與川省之瀘州合江敘永廳聯界原係五方雜處率皆閩廣楚蜀之人屯密種穀貿易其間嚙匪最易藏匿兼之民風强悍案件繁多相距府城十有一站不惟道路崎嶇文移稽遲即通判事權不專遇有要務更多掣肘誠如憲鑒今昔繁簡不同所當因地制宜隨時酌改以收實效應將仁懷通判改為直隸要缺同知在外

仁懷縣草志

藝文

三

揀選調補庶足以重職守而資彈壓其一切命盜案件即改歸糧道管轄則解道轉司均在省城實屬便捷所有原設早役禁卒壯快等項人役並通判舊有衙署足敷辦公以資差遣毋庸另議增添致滋糜費惟同知秩居五品較通判廉俸不同應如該廳所議照例更正分別支領至仁懷廳歷未議設學校所屬三里生堂每逢科歲兩考分歸廳試由府彙送學院考取仍於仁懷縣學額內酌撥二三四名不等殊無定數今既改為直隸同知且有舊存 文廟該廳議

設廳學酌定額取名數院試時附入遵義府合棚考試以符規制並將仁懷縣訓導裁汰改為廳學復設訓導俾獲專司職守之處事屬創始是否可行應聽憲裁會核酌辦其改設直隸同知換給關防以昭信守所議亦屬應行事宜詳奉各憲會核具題部覆奉旨依議欽遵

設仁懷縣議

陶叔李

仁懷縣治萬曆二十八年設也仁懷縣名仍舊仁懷里也仁懷縣城昔日留元壩也縣設於川南合江縣

仁懷縣草志

藝文

一

之對岸而河以高無尺土焉由縣東而上至遵義縣界約八日又四日方至府城此十二日約走一千二百里其間之鑽礫高礫伏耳礫路出石穴之中手能巖巴竹巖子平巖路開峭壁之上新屯坡高履雲端關門壘深入谷底窮道之難至矣盡矣無以復加矣前令曹公名一曰土城居各壘之中當大路之腰山明水秀地坦人稠隸府城七日宜創縣城于此方興卜築而地主袁某買壻看風水者詐言土薄地不

行前令雍公名二曰仁邑之錢糧若干兩而上三里居

其半乃環拱於生界下七里居其半乃環拱于土環
夫生界威遠衛故地宜因其名設一威遠縣割上三
里之軍民田糧以歸之又設仁懷縣于土城而割下
七里之軍民田糧以歸之特欲申明而流寇孽亂遂
不果前令王公懿曰生界縣係陸路然小山環繞
勢若星羅人民之所聚錢糧之所出去府城三日宜
設縣治于此及畫圖詳請而滇路多故遂不果行噫
嘻三議不行天耶人耶不便于官不便于民特終古
如斯耶如文移之往來也府行到縣雖由塘撥過天

仁懷縣草志

藝文

兜

氣精明十日可到否則難以日月計焉而縣文中府
亦然則是二件事體往還月餘甚至遠矣莫可追問
此甚不便于官如軍民之納賦也途路之盤纏過于
所輸之正供况無店可投枕藉于荒煙蔓草飽飯于
猛虎貪狼者莫可紀極此甚不便于民是望從之者
子大展經綸轉移造化採前令之三議而行其一焉
宏功莫與京矣

浴橋記

陳于琯

生界暨井河者縣屬之極泉底也崇山夾峙溪谷奔

流往來行人必隸乎此當夫旱涸之際僅一水帶水且量厥淺深或屬或揭猶不為涉者病第其勢處徑下雨集輒盈洪濤巨浪莫可駕通則不啻漢之廣江之永也遠者裹糧以候近者望涯而返折蘆無術解不嘆其廢時而失事矣余蒞任來公事驅馳曾數至其地以不悉之久欲捐資成梁為行旅之便乃詢之里人僉云曩昔有舊橋隳圯莫考惟中蓮花石上頽基略存兩岸廣闊工不解結構前任史公就今之濟處造建平橋水性烈激不踰岸而蕩然崩是楊公仍

仁懷縣草志

藝文

三

藉蓮花石架木支板覆以瓦屋可無衝決之患而又毀於祖龍若是乎此橋之不易成且難以歷久而無慮也遷延數載殊為愀然戊寅冬適黔匠過里以修橋營生邑人士素悉余志因乞疏募修余從其請及諏日鳩工復有畏難就易之議余力斥之高下規模不移舊橋遺址約費五百餘金越庚寅秋告成嗟乎徒枉輿梁王政所重况茲橋者利彼往便公私其為功甚大利甚薄哉余職司民牧東瀛力綿弗克獨居盛舉而聚腋成裘是亦與人為善之微意歟至河名

鹽井不戢奚所取。歲久不修。不復成。有治泉焉。遂以名其橋云。

重修仁懷縣學記

程正坤

文廟建於雍正癸丑暨今五十餘年矣。宮牆半狹。日久漸傾。壞已亥承乏時。置多事。公役弗遑。越明年始崇修。

聖賢神位飾以珠金。又明年倡修。墀牆塗丹。如剗造。代婺川欲宏宮而未之及。甲辰冬。自婺川回。見兩廡已毀。祠宇殿門非舊。因集紳士。首倡捐金。乙巳春鳩。

仁懷縣草志

藝文

三

工庀材。就其急者而布之。先建兩廡。大成門並崇聖祠。各增三尺深廣。如之。旋有平礎之代。歲除。尚回丙午。夏復權松。桃尋。改遵邑丁。冬始得回。仁舉未竟之志。嘉平望暨。

大成殿。今三月落成。蓋遷延久而成功。苦斯之難也。茲余亦將去。而功猶未備。竊惟建邑設郡。學宮為重。壇壝祠祀。

聖廟為先。殿宇之廢墜。有時。人事之尊崇。弗替。望學宮而起。敬孰不有。芹香泮水之志。乃計功。程可庶幾。

年而規模初學又以見歲事艱難而修補宜亟自
今凡我同事其以時規省俸多歷年所永隆應就至
爭自濯磨人文蔚起則在鄰人士自立梓亦不敢以
學記陳言謬為妄曷爰書興作顛末以弁石首士諸
君子姓名備列於陰乾隆五十三年五月

孫

平齋疏

李化龍

揚酋匪茹與國為仇萬姓荼毒三省震驚孰不以為
不可以歲月克者乃自出師以來甫三月有奇而无
凶授首黨羽悉擒千平猿虎盤踞之窟一旦掃蕩無

仁懷縣草志

藝文

卷二

遺上足以伸中國之威下足以復生靈之憤其他按
點土司擬得悉苗無不落魄亡魂西南半壁天下可
永無虞矣皇上德威遠被指授方畧所致斷非文武
將吏敢貪天功為己力者惟是各官兵暴露行間勞
苦萬狀不可不查敘也先是臣奉命入川賊知罪在
不赦已統兵深入有擒王勦叛之說遂破嘉江且逼
重慶地方洶洶皆謂有長驅之志不特日宵兵力累
無可恃臣乃以計緩之一面調兵一面移文詰責若
未嘗絕之者賊果信之即具文求命且不為臣臣

待以徵調漢土諸兵急為之備其將威名張蓋川人
畏如虎臣發成都兵甫出門欲投錦江不復肯東及
聞綦江守城兵見賊來驚譟而走多投水者止餘二
將與其家丁遂及於難臣念漢兵心膽已碎止兵無
免有情自非招容兵不可因請調陝浙諸省之兵又
念外兵一費甚侈往來運次其生糧害不可過多乃
於每省鎮止調一二千多者三千共數省實僅僅二
萬其餘仍三省及滇粵土兵也然西南人見外兵來
莫測多少以為天下之兵皆至矣自是漢兵之氣壯

仁懷縣草志

藝文

卷三

而土兵之心亦折無不樂為我用者特賊雖知調兵
然以為虛聲嚇之如往日非實事也臣亦止在成都
稽糧治器若無事者然不復泉賊亦不疑北兵懼其
臣移駐重慶賊始知必勤殲肆衝突然我兵漸益未
易得志也臣又念兵以一路進既道狹不能容一有
前却不可復撥因分為八路又念路分而兵少賊厚
其陣以衝之敗矣因命每路皆三萬以上每一路比
可以當其全師又念關外賊黨多不可勝計會兵即
領賞格至首重招降臣亦推廣之但投戈者皆赦不

誅臣又念無賞仕不勞往會兵歸營格言待賊者
即以家資與之臣亦推廣之克關破圍各總賞賞各
以千萬計既川兵入關臣又恐其人自為心若此節
度之師然因復委張恭侯張憐人總監之及督總監
務必得賊臣又恐賊事急詐降藉以遷延至暑雨漸
深我兵不能久圍今但急攻之有倍降者所使美者
無為所給時湖廣之兵亦至圍下臣欲入營親監之
會聞先臣之計臣恐營中遠懈情不可用因不待成
服跪而草檄示以例應侯代照常督兵有慢令者尚

仁懷縣草志

藝文

五

方具在令代中軍余德榮等再往監之臣又念賊因
後易攻圍前難攻時諸將壁圍下者各有分地因令
以勁兵一枝壁其前其餘并力於後臣又恐諸軍士
爭趨賤財物或至亂行至有他虞移文再四申禁臣
又聞營中流言水西日把尚不絕賊恐漏軍情因移
文令其退劉水西土官懼撤其兵邊而引嫌曰吾不
欲為亡播之續也時久雨軍士日在泥淖中至六月
之初四而天忽晴初五日遂破其二城初六日遂登
其圍賊以滅亡總計八路兵生擒首賊從一千一

百二十四名斬級二萬二千六百八十七顆俘獲賊屬五千五百三十九名口招降僭民一十二萬六千二百一十一名口全活被擄男婦一千六十四名口奪獲馬牛七百六十七匹獲器械四千四百四十四件是役也自賊破碁江至剿滅可一年自進兵至滅賊百十有四日當八路對壘時土漢兵既參差不齊諸將領亦彼此觀望稽人刳於賊之積威人自為戰未易即克我各路又控運艱難時有脫巾之呼臣日夜催督走使持檄至數百千即兩省撫臣各路鎮道

仁懷縣草志

藝文

五五

亦靡不忘寢忘食或至頭顱為白總之諸文武知廟堂之意必欲滅賊故鼓之即應勞之不忍誅罰之亦無敢囁嚅者倘更一月而賊不滅暑雨久瘴疫深我將自潰無間賊矣該臣會同巡撫貴州郭子章巡撫湖廣文可文巡撫倫沅江鐸議照國家方制萬里日所出入之邦悉為郡縣獨西南諸省不廢土司蓋亦曰因俗而治與之相安云耳二百年來此輩犬羊之性不堪馴擾亦時有之然未有如播酋楊應龍之公然叛逆者則何也蓋其地險其兵強其才力足以使

鬼通神其聲勢足以呼羣嘯黨加以年來方寓多事
九伐之旌未遑南指彼遂時時狂逞亦遂時時得志
井蛙之見謂縣官真無奈我何諸羣不逞如楊珠楊
明何漢良孫特秦輩憫其雄心或時有以公孫躍馬
尉佗自王之說進者賊亦自念騎虎勢不能下將日
等死耳無且舉大名乎於是恣其狂圖淫怒以逞而
破城殺將鵠起西南之勢成矣夫天下非小弱也九
州四海兵非脆糧非乏也向賊逆未著皇上不忍遽
觀之兵曰吾且舞干吾且解網姑俟其悔過而與之

仁懷縣志

藝文

卷六

相安無事乃不謂兇人之性不移也始天怒赫然斷
在必剗夫斷而敢行鬼神避之况此么膺者乎蓋自
進剿之旨下上方之劍頽然後海內熊虎之師如雲
而集陳紅之粟藪江而上智士陳謀勇夫効力火燎
毛山壓卵賊即不欲灰飛烟滅亦苟可得已臣等嘗
即諸路之功而評敘之在四川則楠木三峽賊黨以
為三窟謂天險不可升者也婁山關賊前門我所必
由賊所必爭者也海龍關賊以為天造地設人跡所
不能到兵力所不能加者也三巖而克之賊力竭矣

不亡何待夫賊嘗自戰其地猶易與也惟賊父子親
在行間諸賊人人致死爭鋒該路到處與賊父
子對壘最快者九盤子之戰賊悉其精銳以付朝棟
令之從綦江進從南川回此其目中尚復有官兵乎
劉綬一戰而走之自是播人為之破膽尤快者諸軍
壁海龍圍下連月不拔綬至一日而克其二城賊遂
滅亡至今羣口囂囂然竟無敢沒其元登之烈者兵
法無選鋒曰北綬於諸路其選鋒乎則綦江路之功
也臣嘗言破賊關外宜招降謂多不可勝誅也關內

仁懷縣草志

藝文

卷之

宜疾戰謂師不可老也安村羅村陶洪三寨生口以
數萬計勝兵以數千計令貪功者以火兵初入必且
多殺以報捷勝之則楊仁不勝則損威矣而該路坐
受其降兵不血刃自是一戰而新郭逆緒再戰而入
巖門關三戰而屢捷於水牛塘賊計無復之邊父子
相哭而上國矣當其入水牛塘時川兵入關去國尚
遠湖資兵在關外絕不相聞兵廣以孤軍去國數十
里而結營犯兵法之所忌而卒以得志自非其合謀
而戰力當不及此後雖有謀降悞事豈有激而奮者

以成功逆賊父子盡獲其首終不笑為全捷則永合
路之功也南川路最險最遠去圍可六七百里賊以
官兵必不能從此進當為孔英之未至也高折枝以
一書生請自將漢土兵以往此固已雄偉不常矣乃
師期一月之前先擣官壩營以寒賊膽而撤回龍泉
之兵且以解恩石之危其事甚奇其功甚大比進兵
從真州入真人則軍食壺漿以迎播人則棄甲曳兵
而走居然有三代之氣象時諸將欲候各路消息方
入關折枝毅然曰若是則誰為當先入者策高而前

仁懷縣草志

文

矣

衆隨其後竟以三月初八日奪桑木關而據之臣用
是以惟各路尚有四月入者令諸將該折枝諸路皆
南川滅賊當更速振鬪而為孔英至則文武相得如
樂之和自是日約各路攻圍有應有不應甚或以
相誹詈而擄枝不屬也分功令下諸將爭走後門該
路獨壁前門夫後門最易攻賊前門賊易衝我亦曰
誰為當賊衝者蓋亦先入關之意乎破圍之後後門
以二路更攻前門以一路擄賊日夜擄及人百其馬
坐使賊自盡而逆黨無一逸者總之倡諸路之先作

三軍之氣冷豎師不得以賊強我弱借口而竟以奏
功臣於該路文武蓋心折焉則南川路之功也在湖
廣則偏橋一路江外為四牌江內為七牌皆五司遺
種九股惡苗盤據糾結乎其間四牌不即武馬羣禾
易窺三渡也陳璘獨以一旅之師先掃四牌開我進
兵之用是烏江內賊黨寒心長坎瑪瑙青蛇三國
自昔以為險絕官兵所從來易得志者臣亦慮其難
下令降之璘以為除惡務盡竟以一鼓而升其巔殺
戮數千臭聞十里時龍泉哨施南兵亦已先克板角

仁懷縣草志

藝文

堯

關至今涓潭白泥之間四牌七牌之苗邊無道種非
璘之力不及此該路漢兵少土兵多糧運少邊使成
噪呼璘令嚴而法肅卒能使之用命而不為害迨至
克關逼凶議設木柵裝鐵牌以防賊逸其機智有足
多者卒以入虎穴得虎子閩人婦女繫繫在俘則偏
橋路之功也貴州各路異川廣不同其地近其兵少
其餉乏其夷性反覆而異常其民心播惑而不定詎
之用兵又非以一洋屬一鼓舞之為效者烏江失掉
已見法矣然能借是以洋屬水西僻之絕孤危之情

踐虎狼之窟母氏困一戰大足褫逆首之魄而奪之
氣此則失之武人得之文吏蓋運籌者之苦心乎李
應祥以孤危之兵當驍寇之時能自審於緩急進止
之間以守為戰以招撫為進攻卒之轉弱為強揚旌
直指斬首數百招降數萬因破諸國斬三潞抵白田
何其壯也竟以連合川兵同心戮力破重城俘羣醜
振積弱之邦舒華夏之氣始如處女繼如脫兔茲其
審於機而神於用豈易得哉則平類為江沙溪諸路
之功也夫我國家從來用兵未有大得志於西南夷

仁懷縣草志

藝文

三

者國初傅友德統二十四將軍止言防守未聞戡定
正統間麓川之役用兵五十萬轉餉半天下陞敘萬
人三返而罪人竟逸嘉靖初思田之役以剿始以撫
終至今為諸夷借口蓋其大政可觀已諸帥固庸衆
人臣等三五書生耳其智畧才力不及古人遠甚乃
兵纔逾二十萬進兵纔逾百日費纔二百萬而事成
功此非臣等之力皆由我皇上神武獨斷委任不疑
用使文武同心將士効死爰有成績臣每誦詔音即
十行之札萬里之外往往購於諸掌而析於毫毛輒

沾沾自得以為賊平矣已戰勝於堂上矣夫淮蔡之
平直須一斷何況聖朝國謨洋洋若此哉

播地善後事宜疏

李化龍

查該州地鄰三省然楚止偏橋路通一線蜀與黔蓋
無所不接壤夫蜀無藉於播黔瘠瘵也若乘此時而
割播以附黔則於蜀無損於黔有裨且臣等列疏
又請以楚之四衛并割附之從此黔省幅員特與十
二省比長絮大甚為長便但盡屬之黔則地方千里
諸凡紳造勞費尚多亦黔所不能堪因議設為二府

仁懷縣草志

藝文

卷一

分隸黔蜀庶建邦啟土各自經營成聚成都指顧可
就皇上廓清之績既已盡被於三藩而憐懷之仁又
復再造於黔土矣除寬曾從撤兵馬招流移厚賑恤
抑兼併靖橫恣等項凡明旨所叮嚀而兵部所條議
者俱以陸續舉行尚有後開款目謹集衆思列為十
二事呈覽

一復郡縣播州南極耕野西連楚道漢唐收為郡縣
在川貴之間亦一都會也至唐乾符間陷於南詔楊
端取而據之今逆酋既平相應改土復流以變夷俗

及照播州白田壩沃壤數百里即播州遵義縣故地
當復府治設縣附焉稱梓潼秦南之衝走川貴道也
舊為夜郎縣故地當復一縣望草高接婺思北達真
涪為綏陽縣故地當復一縣仁懷瀘播枕永樂合帶
瀘為懷陽縣故地當復一縣真州即古珍州川原平
衍商賈周遊應復一州以上俱隸川省統轄黃平為
川貴要區舊設撫苗通判一員列銜重慶駐鎮彼中
其與播勢相控馭並為重地應設一府湄潭龍泉地
里廣邈各應建設一縣夔水重安合設一縣餘慶白

仁懷縣草志

藝文

三

泥合設一縣並草塘容山二司應割縣各縣以上地
方去黔甚邇相應改隸貴州統轄總計增府二州一
縣八蓋亂流初殄地濶人稀始是數城以為寨為以
後地闢民聚無妨增設其二府治與附郭縣分正佐
首領各應照例全設外州縣正佐首領俱應量減
一設屯衛播州地方千里山川險惡夷漢雜居又通
鄰二大土司時有放縱之志必列設官軍建屯衛以
明居重馭輕之勢因設一衛於白田壩其府同城新
揮使一員同知二員參事二員其撫一員經歷一員

知事一員所屬前後中生若五所每所正千戶一員副千戶一員百戶四員所軍各一千共五千衛所官於從征有功者酌量陞授不足者於鄰近願入者調取移實之其邊隅通鄰土司地方各設屯田每軍照祖制二十四畝再加六畝為冬春布花之費其三十畝自種自食不必納糧於官又復領出紛紛滋弊各開屯戶除養屯軍之外餘田仍照民地起科上納本折於各州縣為衛官俸厚及不時軍興之用每年孟冬仲冬孟春仲春農隙各屯官時加操練又以十月

仁懷縣草志

藝文

三

二月望日齊赴兵備道大操三日驗其武藝較其強弱而明賞罰為老弱者汰之一屯老弱者皆無存其官軍四即另募壯丁補其虛缺得實用其時即募兵散盡此五千軍與主兵三千自有八千可用之矣矣一設兵備橋地三面環夷干戈肅戢當此經綸草昧之始設立有司可以招撫流亡咸未能長駕遠馭而圖久安布置將領可以備禦倉卒或易於生事徵功而聞邊警故以內修武備外備民心整肅澤俸畏服衆志為地方長久之計必設分巡兼兵備官一員於

播州白田壩新築府城並別專一營錫新復政縣并
重慶衛忠縣二所永寧百勝石在平邑等土司兵營
兼理有司錢糧獄訟其重慶府已歸綦江南川涪州
武隆彭水切鄰地方悉聽管轄以便行軍黃平漸設
一府四縣雖割屬貴州但人心初附田土界連與貴
州水西一應司并聽兼制

一設將領播渝於夷閩八首餘年辰恪曠悍法令行
格已久今地雖蕩平而通厚潛藏漢夷錯雜招苗樹
黨越界侵田時所必有今議播州留兵一萬黃平留

仁懷縣草志

藝文

志

兵三千粗足防守然必得一犬將鎮之始可無事至
得先年克平九絲議留總兵一員鎮守其地今建武
視播稍緩即一參遊足領之合無將軍門標下添設
練兵遊擊一員改駐是武防守原設總兵移鎮播地
應留各兵挑揀家丁三千買馬三百內標下標兵家
丁二千七百馬二百七十以坐營千把總領之兵道
員下家丁三百馬三十以中軍領之有事俱聽總兵
提調名為正兵此外兵七千酌量分布於白田壩黃
安桐梓等縣播川等處防守內以一遊擊領三千以

二守備各領二千各用千把總分領之有事爭戰無事即為募城鑿池建郡縣修郵驛之用糧銀照例例支發徐侯建議竣工日除家丁三千馬三百外餘軍以次議徵有額酌備常軍及民當差者聽千把總俱於附近衛所官內選用其黃平留兵三千仍設一參將領之總聽防番總兵節制

一文田糧環播幅員千里田地無慮數千萬畝舊時額糧止歲以五千八百石輸貴州蓋蠻方賦稅原輕至應龍巧立新法名曰等實每田一畝徵銀數錢初

仁懷縣草志

藝文

卷五

猶斂其財以招苗後年奪其地以養苗而賦法茫然盡矣今既改流自營青成道府親率州縣官定疆界沿坵履畝逐一丈量分為等則造冊呈報以定賦法額糧輕重實無定規查克平九縣丈量田地分別上中下三等每畝上田四升中田三升下田二升播地山水間雜不止三等尚有上下下者宜逐項分析最上者一畝可當上田幾畝最下者幾畝可當下田一畝則待臨時酌定難以預計文完總計田地若干糧若干徵本色若干折色若干俟二年之外起科除

足一年夏秋二稅銀力二差一切雜費外餘解布政司充邊餉支用

一限田制播土舊民自逆首倡亂大兵征討之餘僅存十之一二遺棄田地多無主人冊籍不存疆界莫考復去之民往往冒認影占原少報多原瘠報肥甚至一人占田一二千畝尚有異省流徙假播籍而希冒占者今應將播之舊民號揭保子者查果真的無論原業肥瘠俱人給田三十畝上中下撥配均給若一處皆上田皆下田者臨時酌給大率純下田多不

仁懷縣草志

藝文

案

得過一百畝純上田不得少過二十畝其原非播民凡不能為播保識者無問曾否寄住皆不得妄認遺下無主民田另行招人承種納糧當差應龍官庄並楊兆龍田一鵬何漢良等諸擒斬逆有名鄉人庄田盡數沒官聽三省之民願占籍播州者承領其領田之人查照時值量行上納以充目下建立城池衙門驛傳諸費亦定為限制平人不得過五十畝指揮千百戶不得過百畝俱於丈量時定額定例不得那移州縣官收過絕產備值給付印契登人籍環聽兵

備道稽查轉報無稽查者官吏竟沒從重治罪

一設學校播故有學宋元之世俊茂明興如冉從周
猶道明白鎮之流俱登進士蜚聲上國自逆龍禁錮
文字寇讐儒生坑儒燬書禍同秦始今干戈既戢文
教宜先白田黃平蘆有學宮補葺亦易應當於二府
原學各補教授一員訓導二員至博士弟子員無論
附郭外縣但入學使之選者蜀新四縣隸白田學黔
新四縣隸黃平學待各縣人文漸盛物力稍紓嗣各
立學未晚真安既改為流其地方殷富人物頗華亦
仁懷縣草志

藝文

卷之

須建一學宮設一學正以示維新之化

一復驛站播州各驛自逆苗開闢貞固驛官不暇赴

任過客不敢經行站戶逃徙館舍拉墟十數年矣茲

者地方底定道路大通驛站之設勢不容已查播州

舊轄松坎桐梓播州永安湘川烏江昌田砂溪仁水

湄潭熬溪岑黃白泥一十三驛俱當川貴孔道所有

各該驛館應趨持興工合用區役亦於兵夫內查有

慣造者徑撥不足者於附近州縣取用工食銀米計

算於該邊支剝軍餉內動支仍責成新設府位一員

往來稽督不許虛冒錢糧贖贖時日事完冊報又查各驛夫馬支應及官吏俸薪舊額土司供辦今既改土設流似應與腹裏驛站一體僉派但流民授田方始難便買馬行差目前一切站銀暫令官為出辦俟里甲稍定即行編派至夫馬額數應照衙僻為準湘川驛附郭為四路最衝應設馬四十匹夫八十名松坎桐梓播川永安四驛地衝路險應各設馬三十匹夫五十名烏江仁水湄潭岑黃鰲溪白泥各驛俱次衝應設馬各二十匹夫各三十名昌田沙溪止通水

仁懷縣草志

藝文

奕

西次僻應設馬各十匹夫各二十名各驛官見在者行令赴驛任事驛吏因屬土司舊未撥發今應行川責兩首布政司照缺查撥

一建城垣稽州一府一州四縣與黃平一府四縣並改築石城石少者以甃代之其兵備道總兵府並府衛州縣衙門公署倉廩庫獄城隍廟演武場與二府一州儒學文廟殿廡齋舍等項俱當以次修舉而各官一抵地方棲身為急衙舍之建尤宜首圖各府州縣正官選委勤敏仗武於堪動者內行文起調興工

多方稽督大約城垣以歲辛丑二月內起工限年終落成餘各以次滿舉就中員役有怠惰冒破工力芽率者俱聽該道詳參究事竣之日造冊報撫按衙門奏繳庶險要可資防禦有賴

一順夷情播州皆夷也大兵之後為賦用力者及夷蕪崇一無遺種今見在者曰各奇上官曰七姓秦氏曰投降夷目皆宜安挿得所願就中情事不同亦宜分別如八司曰播州真州白泥餘慶草堂黃平重安容山內安撫二長官六一司龐水原無印信亦稱

仁懷縣志

藝文

三九

長官又有宣慰司同知羅氏此皆世有官號與播並建者播州長官王積仁以附播被擒獻俘與楊氏俱滅真州附播多年蒸江之破助兵三百著在耳目同知羅氏與江外五司具疏改流桃思遠禍至有今日之事海內震動流血千里則諸司者罪之魁也故說者謂真州宜正其附播之罪江外諸司宜以起釁絕之第王道如天罰宜從輕賞宜從重真州當進兵之初率先歸附正副長官各以千人從軍江外諸司各招兵聚義克黔楚鄉導合將真州長官即為該州正

同知副長官即為土判官江外諸司安撫與正長官
即為該縣土縣丞副長官即為土主簿同知薛氏為
新府土知事此外尚有投降夷自原非長官不無冠
帶但賞格曾生名聞諭斬而先事歸誠亦宜少示
爵以明恩信如上赤水里頭目袁年父遭酷禍投降
最早一授以所鎮撫職銜下赤水里頭目袁登仁博
里頭目王繼先安羅二村頭目羅國明羅國顯安登
以上五名念其返誠歸正量投冠帶總旗誘人田產
止將本身者照冊撥給應納稅糧遞附州縣官處上

仁懷縣草志

藝文

序

納其餘里人俱令附籍納糧當差不許仍以家人為
名恣行霸占遺者治其前罪至於七姓秦氏始助楊
氏之惡繼傾楊氏之族尤為禍首今蒙王仁寬宥外
如仍蹈故習豪橫害民該道徑行拿問發落地方人
民指稱前事告害者亦如之

一正疆域播地東北接連三省縣衛各有疆界無容
濶淆西南左接水西右逼永寧雖犬牙相攙未能齊
一然畫野分疆亦自有相沿界址惟是夷性互為雄
長強則侵凌弱則滅削甚至有一地而甲乙互臨一

人而齊楚兼事如德溪沙溪水烟天狂皆播州五十
四里之數見有黃冊可考緝麻山李博燧仁懷石寶
甕平等處亦皆播州世業祇緣先年楊氏中衰時曾
為永寧水西侵占後應龍當寧治兵相攻恢復故業
各邊目又已任其糧馬兩下支持此在土司可畧今
既改土設流自宜各復其故乃水西止求清查永寧
輒行脅擾且動以瓜分為言罔上行私垂涎占黨應
行該道會同鄰近道分及早清查一切相鄰地方原
係播者歸播原係永寧水西者歸奢安刻石立碑永

仁懷縣草志

藝文

三

為遵守其鄰邊目犯如不安分義妄肆爭侵重行究

治干礙土官一併參處

此說從四川志中採入在播
中善後事最為詳悉但前書

十二條後止列十一條且文勢尚未
收束疑有脫簡別無言可查姑仍之

通志

代遵義五屬送兵備道序

陳起相

播兵備之制備乎兵而名也志曰用師十萬一日之
費率七十萬家不得寧寘是任者不綦重與

國家肇造區宇奄有乎滇親王膺命馬首南瞻爰入自護

遵其要害也籌是任者難其人於時劉公遵承王乃

物色於數千萬人之中得之於俄頃揆章之際毅然

任公而弗疑公戚知己之用亦毅然受之而弗辭勞
觀者相與驚愕夫欲鑿無穴之金轉石田之揆為不
脛之馳灘然及之於于邈所以弗疑弗辭者果何任
耶此其驚愕固宜而孰知自古號稱奇男子遺大投
艱運烏獲之神力亦不過祇此指臂焉爾由前逆計
是烈始一侵莫敢向蹈者由今邇視而又何妨祗席
過之何也孫界不警乎而轍亂旗靡瀟陽不警乎而
向化懷音真安水西不亦警乎泡影頓消老業自覆
遵豈漆城乎蕩蕩而不止則鑄鑰之賴人爾豈其時

仁懷縣草志

藝文

三

饒饒無田遽責以長上之効青草無野狼逼以庾夔
之輸噉鴻正驕貫魚戴路何恃而可不恐公乃撻撥
文奮武之畧行利用厚生之經學術不猶風流自責
即五屬之次第而任者固已在而不殘花市有醉人
之日矣屬為輻公其如鼓匪是安可以促速公為魯
屬其為木匪是安可以面曲使之趨進於前得各獻
其技以選公之一顧而價侈焉者總之公樂善憐才
油然而天動春風入座冬日在懷折衷於公之前指
揮於公之下斟酌飽滿而退各休又其所與沆可之

民相喫林馬誠燼火灌溉之勞遂竊少名稱可忘其
自我信手久道化成擢公之獨先任公之獨久朝廷
豈無深意考績今年公最固已又必使厥屬人人莫
不展其眉采如公所期望於公之心始大懷屬何幸
哉屬何幸哉龍門風雪得恣其咏遊秋門桃李益增
其氣色一破拘牽而肝胆以出蕩然家人子弟之誼
蓋相遇之至難且奇有如是也計公先後受知於朝
凡三有改命改印改勅復改姓歸於宗夫禮重反始
人本乎祖觀矍相之射論必及焉即公太息有言曰

仁懷縣志

藝文

七三

事固有特某之私願於茲十年矣適其年於丁未之
六月亦丁未先考之生年月皆丁未到適霜降淒愴
之際鬼神覺往來其間而曰亦丁未部覆廿五日又
先考之初度也事之巧合如此某等相與躋公之堂
執觴為壽此公之仁孝符乎冥漠乃然耳在任舉四
麟兼有寧生之異承先裕後所為得天之厚者非偶
也朝廷又不以此一方為足盡公之才畧公行安可
無賀雖然去日苦多為某等纏綿假惠之日而來日
大難者求肩荷如公使之風趣以奉周旋如曩日者

胡可得耶猗膏棘軸不能運方穿弓膠昔幹不能傳
合疏罅嗚呼機警變化公實難幾豈惟屬哉凡鄙人
士皆抱庶幾之想欲伸彼扳轅之情乞公於兩臺之
力請也而公復留或天家念此窮微去會城特遠方
面度未可裁公即去而後來此二說雖不可期可以
徵民情豈惟屬哉史氏書之爭共留遲汝棠香國
有甘棠焉

並平水集

夜郎考

靖道謨

且蘭夜郎皆南夷名史記云西南夷君長以十數夜

仁懷縣草志

藝文

三

郎最文是且蘭非夜郎匹也楚莊蒙循沅水至且蘭
楸船於岸而步戰遂滅夜郎以且蘭有楸船處乃改
其名為牂柯蒙既留王滇夜郎且蘭仍自立為國漢
武平南夷置牂柯郡領縣十七後漢領縣十六皆首
敘且蘭而夜郎反為屬縣晉永嘉二年分牂柯立夜
郎郡領夜郎四縣於是夜郎始列於郡劉宋蘭齊皆
因之隋地理志有牂柯郡復有牂柯縣而夜郎之郡
縣皆無梁陳周書俱不志地理遠不知廢自何時也

唐以隋牂柯郡之牂柯縣置播州而縣有三夜郎之

名武德四年析夷州之寧遠縣置夜郎貞觀元年州廢縣亦廢八年析巫州之龍標縣置夜郎十六年開山洞置珍州亦置夜郎縣長安四年以龍標所析之夜郎置舞州天寶元年更縣名為峨山龍標之夜郎當在今黎平鎮遠之間夷州之夜郎當在今石阡思南之間珍州之夜郎則今遵義之正安州桐梓縣矣巫州夷州之夜郎或廢或更名珍州之夜郎置之最後而自唐迄宋名未嘗改於是人止知播州之為夜郎而亦不復知夜郎之大矣漢書云唐蒙使巴蜀荐

仁懷縣志

藝文

七五

關入遂見夜郎侯又云夜郎東接交趾自西徂東奚
壹千里亦無怪當年夜郎之自大也